



ADNAN YAAKOB bertanya sesuatu kepada Mohd. Noordin Abbas (kiri) mengenai majalah keluaran Kumpulan Utusan pada Majlis Berbuka Puasa Tengku Mahkota Pahang bersama Warga Universiti Malaysia Pahang, Pekan, Pahang, semalam.
-UTUSAN/AHMAD ZAKKI JILAN

(UTUSAN MALAYSIA (DALAM NEGERI) 9 JUN 2016 m/s 2)

Tengku Abdullah, MB Pahang berbuka puasa bersama 4,000 warga UMP

PEKAN 8 Jun - Tengku Mahkota Pahang, Tengku Abdullah Sultan Ahmad Shah berkenan berbuka puasa bersama kira-kira 4,000 warga **Universiti Malaysia Pahang (UMP)** dan penduduk sekitar di kampus utamanya di sini hari ini.

Berangkat sama Tengku Puan Pahang, Tunku Azizah Aminah Maimunah Iskandariah.

Ketibaan baginda yang juga Canselor UMP disambut pengurusan tertinggi universiti itu diketuai Pengerusi Lembaga Pengarahnya, Datuk Seri Mohd. Hilmey Mohd. Taib dan Naib

Canselor, Prof. Datuk Dr. Daing Nasir Ibrahim.

Yang hadir sama Menteri Besar, Datuk Seri Adnan Yaakob; Pengarah Urusan Kumpulan Utusan, Datuk Mohd. Noordin Abbas; Pengarah Eksekutif Yayasan Kumpulan Utusan, Datuk Dr. A. Ganesan Arumugam; Timbalan

Ketua Pengarang Kumpulan Utusan, Datuk Othman Mohamad; Pengurus Besar Pemasaran dan Pengedaran, Rosman Zulkifli; Pengurus Besar Komunikasi Korporat, Jamal Ahmed; Pengarah Kreatif Kumpulan Utusan, Mohd. Azha Abu Bakar dan Pengurus Kanan Pemasaran/ Pengedaran Utusan, Idris Asaran.

Sementara itu, ketika berucap pada majlis berkenaan, Daing Nasir berkata, menjelang Ramadan, Pusat Islam dan Pembangunan Insan (Pimpin) UMP dipertanggungjawabkan menyelolakan program Festival Ramadan bagi mengimarahkan bulan mulia tersebut di kedua-dua kampusnya di sini dan Gambang, Kuantan.

"Menerusi penyertaan pelbagai peringkat warga kerja dan mahasiswa, aktiviti-aktiviti yang mengisi program Festival Ramadan ini dapat dilangsungkan

dengan jayanya untuk manfaat semua.

"Ini termasuk aktiviti rewang untuk jamuan iftar jamai'e secara bergotong royong oleh staf dari pelbagai pusat tanggungjawab mengikut giliran mulai 1 Ramadan hingga 26 Ramadan ini di UMP Pekan dan Gambang," katanya.

Tambah beliau, selain solat sunat tarawih, sahur, iftar jamai'e dan moreh, Festival Ramadan kali ini turut diisi dengan program Kayuhan Mesra Rakyat, penyediaan bubur lambuk, Anda Tanya Ustaz Jawab, Jejak Asnaf dan singgah sahur.

Dalam pada itu, katanya, keseluruhan perbelanjaan tersebut dibiayai oleh Tabung Ramadan UMP berjumlah RM90,000 melalui inisiatif Mygift sumbangan tunai warga universiti berkenaan serta tajaan para dermawan.